



Broj: 05-50-1-56-2/16
Sarajevo, 30.3.2016. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 30-03-2016			
Organizaciona jedinica	Klasifikaciona oznaka	Redni broj	Broj priloga
01-	50-1-	15-23/	16

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 50. sjednici održanoj 30.3.2016. godine, utvrdilo je Odgovor na zastupničko pitanje koje je postavio Mirsad Isaković, zastupnik u Zastupničkom domu Parlamentarne skupštine Bosne i Hercegovine.

U privitku proslijeđujemo Odgovor radi njegovog dostavljanja zastupniku.

S poštovanjem,


GENERALNI TAJNIK
Zvonimir Kutleša



Bosnia and Herzegovina
COUNCIL OF MINISTERS

Broj: 05-50-1-56-2/16
Sarajevo, 30.3.2016. godine

Gospodin Mirsad Isaković, poslanik u Predstavničkom domu Parlamentarne skupštine Bosne i Hercegovine, je dana 12.1.2016. godine, na 23. sjednici postavio sljedeće poslaničko pitanje:

„Kada možemo očekivati Zakon o Internet trgovini u BiH?“

Na dostavljeni odgovor poslanik Mirsad Isaković je izrazio nezadovoljstvo, te je Vijeće ministara Bosne i Hercegovine na 50.sjednici održanoj 30. 3. 2016. godine, utvrdilo dopunu

ODGOVORA

Bosna i Hercegovina ima usvojen predmetni zakon naslovljen kao „*Zakon o elektronskom pravnom i poslovnom prometu*“, a ne kao „*Zakon o Internet trgovini u BiH*“ kako je navedeno u poslaničkom pitanju.

U cilju potpunog razumjevanja predmetne tematike u nastavku odgovora na postavljeno pitanje dostavljamo dodatne informacije koje se odnose na elektronskog poslovanja i predmetni Zakon.

Prodajom putem Interneta smatra se ona prodaja koja se realizuje na daljinu, gdje se roba ili usluga naručuje putem Internet stranice tj. gdje se kupoprodajni ugovor sklapa putem Interneta („*Zakon o elektronskom pravnom i poslovnom prometu*“ - *Odjeljak C. Zaključivanje ugovora*). Plaćanje može biti putem Interneta (online) ili klasičnim putem (gotovina, kartice).

Da bi davalac usluge obavljao prodaju putem Interneta, nisu mu potrebne posebne dozvole ili odobrenja („*Zakon o elektronskom pravnom i poslovnom prometu*“ – *Član 14 – Slobodno preduzimanje i pružanje usluga*). Davalac usluge treba u sudskom, trgovačkom ili sličnom javnom registru biti registrovan za djelatnost koju obavlja, te za djelatnost informacionog društva. Tako npr., ukoliko obavlja prodaju na malo (maloprodaju) putem Interneta, treba biti registrovan za djelatnost trgovine na malo putem pošte i Interneta i za usluge informacionog društva.

Davalac usluge mora zadovoljavati uslove obavljanja svoje djelatnosti (npr. minimalni tehnički uslovi za djelatnost trgovine itd.), bez obzira obavlja li prodaju putem Interneta ili na neki drugi način.

Osnovni propisi koji se odnose na prodaju putem Interneta su:

- a) Zakon o trgovini – uređuje područje trgovine,

- b) Zakon o zaštiti potrošača – uređuje prava i obveze u trgovini na malo,
- c) Zakon o elektronskom pravnom i poslovnom prometu – uređuje oblast elektronske trgovine u Bosni i Hercegovini (Internet trgovina) koji obuhvata preduzimanje i pružanje usluga informacionog društva, obaveze davaoca usluga (*svako fizičko ili pravno lice koje pruža usluge informacionog društva*) u vezi s informisanjem, zaključivanje ugovora i odgovornost davaoca usluga.
- d) Zakon o elektronskom potpisu – uređuje pravo fizičkih i pravnih lica na upotrebu elektronskog potpisa.

Uz navedene, u obzir treba uzeti i poreske propise, te propise specifične za pojedinu djelatnost i pravni oblik lica koje pruža uslugu prodaje putem Interneta.

Davalac usluge je dužan izdati račun za prodanu robu ili uslugu. Sadržaj računa i način obračuna poreza (PDV-a i dr.) treba da je propisan Zakonom o PDV-u BiH i po ničemu nije specifičan za ovaj vid prodaje. Račun se kupcu šalje poštom ili putem Interneta.

Inspeksijski nadzor nad primjenom Zakon o elektronskom pravnom i poslovnom prometu obavlja inspektorat ministarstva nadležnog za informaciono društvo (*Član 30. Inspeksijski nadzor i provođenje nadzora*).

Nemoguće je navesti sve obaveze i propise sa kojima se davaoci usluga mogu susresti. Zato je bitno poznavati propise specifične za djelatnost kojom se davalac usluga bavi. Npr. vođenje Knjige popisa robe u trgovini na malo je propisano za trgovinu na malo, a to vrijedi i za Internet prodaju.